

## JAVNA USTANOVA KAMERNI TEATAR 55 SARAJEVO

Sarajevo, Maršala Tita 56/II

Na osnovu člana 29. stav (1) Zakona o ustanovama ("Službeni list RBiH", broj: 6/92, 8/93 i 13/94), člana 23. stav (1) Zakona o pozorišnoj djelatnosti ("Službene novine Kantona Sarajevo", broj: 42/13 i 6/16), člana 7. stav (1) i 8. stav (1) i (2) Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), člana 37., 40. i 41. Pravila Javne ustanove "Kamerni teatar 55 Sarajevo" (broj: 10-UO/08 od 04. 09. 2008. godine, 10-UO/12 od 29.03.2012. godine, 39-UO/13 od 21.10.2013. godine, 127-UO/19 od 13.11.2019. godine i 91/23 od 18.01.2023. godine) i Odluke Upravnog odbora Javne ustanove "Kamerni teatar 55 Sarajevo", broj: 853/25 od 16.05.2025. godine, Upravni odbor raspisuje

### JAVNI KONKURS

#### za izbor i imenovanje direktora Javne ustanove "Kamerni teatar 55 Sarajevo"

1. Opis pozicije **direktora Javne ustanove "Kamerni teatar 55 Sarajevo"**: organizuje i rukovodi radom Teatra, zastupa i predstavlja Teatar pred trećim licima, odgovoran je za zakonitost rada Teatra, predlaže Upravnom odboru mjere za efikasno i zakonito obavljanje djelatnosti radi kojih je Teatar osnovan, predlaže Upravnom odboru unutrašnju organizaciju i sistematizaciju poslova i osnove plana i razvoja Teatra, izvršava odluke Upravnog odbora, odlučuje o pravima, obavezama i odgovornostima radnika iz radnog odnosa, podnosi Upravnom odboru izvještaj o finansijskom poslovanju, naredbodavac je za izvršenje finansijskog plana i odgovoran je Upravnom odboru za rezultate rada i finansijskog poslovanja Teatra, vrši druge poslove u skladu sa zakonom i Pravilima Teatra.

2. Za direktora Teatra može biti imenovano lice koje ispunjava opšte i posebne uslove.

Opšti uslovi:

- da je državljanin Bosne i Hercegovine,
- da je stariji od 18 godina,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije,
- da se na njega ne odnosi član IX. 1. Ustava Bosne i Hercegovine (da nije pod optužnicom Međunarodnog suda za ratne zločine u bivšoj Jugoslaviji)
- da nije osuđivan za krivično djelo i privredni prestup nespojiv sa dužnošću direktora (pribavlja se po službenoj dužnosti samo za izabranog kandidata)
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
- da nije izabrani zvaničnik, nosilac izvršne funkcije ili savjetnik u smislu odredbi Zakona o sukobu interesa u organima vlasti u FBiH,
- da je zdravstveno sposoban za obavljanje dužnosti direktora.

Posebni uslovi:

- visoka stručna sprema VII stepen ili završen drugi ili treći ciklus bolonjskog sistema studiranja, akademija scenskih umjetnosti ili neka druga umjetnička akademija,
- da ima najmanje sedam godina radnog staža nakon sticanja fakultetske diplome,
- da ima četiri godine radnog iskustva na rukovodno upravljačkim poslovima ili društveno verificirana priznanja za rezultate postignute u oblasti kulture i umjetnosti,
- predloženi Program rada za mandatni period.

3. Kandidat koji se prijavljuje na javni konkurs treba dostaviti dokaze o ispunjavanju uslova u originalu ili ovjerenoj kopiji, i to:

- potpisanu prijavu na konkurs,

- biografiju,
- uvjerenje o državljanstvu, ne starije od 6 (šest) mjeseci, osim ako se radi o dokumentu koji je trajnog karaktera,
- izvod iz matične knjige rođenih, ne stariji od 6 (šest) mjeseci, osim ako se radi o dokumentu koji je trajnog karaktera,
- ovjerenu izjavu kod nadležnog organa da nije otpušten iz državne službe kao rezultat disciplinske mjere,
- ovjerenu izjavu kod nadležnog organa da nije pod optužnicom Međunarodnog suda za ratne zločine u bivšoj Jugoslaviji,
- ovjerenu izjavu kod nadležnog organa da nije na funkciji u političkoj stranci,
- ovjerenu izjavu kod nadležnog organa da nije izabrani zvaničnik, nosilac izvršne funkcije ili savjetnik u smislu odredbi Zakona o sukobu interesa u organima vlasti u FBiH,
- ovjerenu izjavu kod nadležnog organa da kandidat nije predsjednik ili član upravnog ili nadzornog odbora bilo koje ustanove nezavisno od oblasti za koju je ustanova osnovana, a koja djeluje u Bosni i Hercegovini. Ukoliko je kandidat predsjednik ili član upravnog odbora i predsjednik ili član nadzornog odbora bilo koje ustanove nezavisno od oblasti za koju je ustanova osnovana priložit će ovjerenu izjavu da će u slučaju imenovanja za direktora ustanove sa danom imenovanja podnijeti ostavku i odstupiti sa pozicija predsjednika ili člana upravnog odbora i predsjednika ili člana nadzornog odbora,
- ljekarsko uvjerenje (samo za izabranog kandidata),
- diploma o završenoj školskoj spremi,
- uvjerenje/potvrda o radnom stažu nakon sticanja fakultetske diplome,
- potvrda o radnom iskustvu na rukovodno upravljačkim poslovima ili društveno verifikirana priznanja za rezultate postignute u oblasti kulture i umjetnosti,
- program rada Teatra za mandatni period.

4. Kandidati koji dostave blagovremenu i potpunu dokumentaciju biće pozvani na intervju.

5. Sve dokumente potrebno je priložiti u originalu ili ovjerenoj kopiji.

6. Direktor Teatra se imenuje na mandatni period od četiri godine.

7. Konkurs će se objaviti u "Službenim novinama Federacije BiH", dnevnom listu "Oslobođenje", na web stranici Ministarstva kulture i sporta i na web stranici Javne ustanove "Kamerni teatar 55 Sarajevo".

8. Konkurs ostaje otvoren 15 dana od dana posljednjeg objavljivanja.

9. Nepotpune i neblagovremene prijave neće se uzeti u razmatranje.

10. Prijave sa traženim dokumentima dostaviti lično na protokol Teatra ili poštom preporučeno na adresu:

**Javna ustanova "Kamerni teatar 55 Sarajevo"**  
**Sarajevo, Maršala Tita 56/II**

sa naznakom:

**"Prijava na konkurs za imenovanje direktora – ne otvarati."**